



Broj: 03-16-8-1455-12/16
Sarajevo, 26.12.2016.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) na preporuku Komisije za nabavke iz Zapisnika o pregledu i ocjeni ponuda, broj: 03-16-8-1455-11/16, od 14.12.2016. u postupku nabavke usluga štampanja materijala za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1455-11/16, od 14.12.2016. i Okvirni sporazum za nabavku usluga štampanja materijala za potrebe Parlamentarne skupštine BiH za period od 24 mjeseca, dodjeljuje se ponuđaču Print line d.o.o. Sarajevo, čija ukupna cijena ponude za predmetnu nabavku sa saglasno utvrđenom računskom ispravkom od 17.11.2016. iznosi 35.232,50 KM bez PDV-a odnosno 41.222,03 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične i ekonomsko-finansijske sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.9. Tenderske dokumentacije za konkurentski zahtjev za dostavu ponuda za nabavku usluga štampanja materijala za potrebe Parlamentarne skupštine Bosne i Hercegovine, broj: 03-16-8-1455-3/16, od 16.9.2016.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti.

III.

Prijedlog Okvirnog sporazuma dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnijeg ponuđača pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Образложење

Postupak javne nabavke pokrenut je Odlukom o pokretanju postupka javne nabavke usluga štampanja materijala za potrebe Parlamentarne skupštine Bosne i Hercegovine, broj: 03-16-8-1455/16, od 18.5.2016. i broj: 03-16-8-1455a/16, od 15.7.2016. Javna nabavka je provedena

putem konkurentskog zahtjeva za dostavu ponuda. Procijenjena vrijednost nabavke iznosila je 40.000,00 KM sa uračunatim PDV-om. Obavještenje o nabavci broj: 166-7-2-25-3-18/16, objavljeno je dana 16.9.2016. na Portalu javnih nabavki, a istovremeno je Poziv za preuzimanje tenderske dokumentacije sa Portala javnih nabavki, broj: 03-16-8-1455-3a/16, od 16.9.2016. upućen i na adrese pet ponuđača i to:

- Blicdruk d.o.o. Sarajevo, Čemaluša 8, Sarajevo,
- CPU Printing Company d.o.o. Bačići bb, Sarajevo,
- Grafotisak – uprava, Blage Zadre 26, Grude,
- Margo d.o.o., Trg Viljama Šekspira 2b, Dobrinja 4, Istočno Sarajevo,
- Print line d.o.o Sarajevo, Rogina 15, Sarajevo.

Tendersku dokumentaciju sa Portala javnih nabavki preuzelo je ukupno 20 ponuđača. Komisija za nabavke imenovana je Odlukom Kolegija Sekretarijata, broj: 03-16-8-1452/16, od 18.5.2016. Do termina zakazanog za predaju ponuda odnosno do 30.9.2016. do 14,00 sati za ovu nabavku pristiglo je šest ponuda i to:

Redni broj zaprimanja ponuda	Naziv i sjedište ponuđača
1.	PRIMAPROM d.o.o. Banja Luka, Vidovdanska bb, 78 000 Banja Luka
2.	A DIZAJN d.o.o. Sarajevo, Put Famosa 38, 71 000 Sarajevo
3.	ŠTAMPARIJA FOJNICA d.d. Fojnica, Prokoški put bb, 71 270 Fojnica
4.	PRINT LINE d.o.o. Sarajevo, Rogina 15, 71 000 Sarajevo
5.	SAMAS d.o.o. Sarajevo, Hadžidamjanova 1a, 71 000 Sarajevo
6.	BLICDRUK d.o.o. Sarajevo, Čemaluša 8, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1455-4/16, od 30.9.2016, Zapisnik o otvaranju ponuda od 30.9.2016. i Zapisnik o pregledu i ocjeni ponuda, broj: 03-16-8-1455-11/16, od 14.12.2016., sa preporukom o izboru najpovoljnijeg ponuđača. Zapisnikom je konstatovano da je u toku evaluacije od svih šest ponuđača dopisom, broj: 03-16-8-1455-6/16, od 2.11.2016., kao i dopisima, broj: 03-16-8-1455-6a/16, od 10.11.2016. i broj: 03-16-8-1455-6b/16, od 16.11.2016. zatraženo pojašnjenje navoda iz dostavljenih izjava o ispunjenosti uslova iz člana 50. tačka e) Zakona o javnim nabavkama u pravcu tehničke opremljenosti i osposobljenosti za pružanje usluga offset štampe u boji, digitalne štampe u boji i sigurnosne štampe. Pojašnjenje su dostavili Blicdruk d.o.o. Sarajevo, Samas d.o.o. Sarajevo, Primaprom d.o.o. Banja Luka i Print line d.o.o. Sarajevo. Pojašnjenje nije dostavila Štamparija Fojnica d.d. Fojnica i A Dizajn d.o.o. Sarajevo.

Također je konstatovano da je u fazi evaluacije:

- Kod ponuđača Primaprom d.o.o. Banja Luka, u Ponudi, broj: zp 557/16, od 29.9.2016., u Aneksu 2. Obrazac za cijenu ponude, u koloni „Jedinična cijena po primjerku s popustom i PDV-om“, ponuđene su jedinične cijene po primjerku s popustom bez uračunatog PDV-a, pa je Komisija za nabavke, dopisom, broj: 03-16-8-1455-7/16, od 8.11.2016. zatražila prihvatanje računskih ispravki, koje je ponuđač Primaprom d.o.o. Banja Luka prihvatio, dopisom broj: 03-05-09.11-2/16, od 9.11.2016.
- Kod ponuđača A Dizajn d.o.o. Sarajevo, u Ponudi, broj: 28-09/16, od 28.9.2016., u Aneksu 2. Obrazac za cijenu ponude, u koloni „Jedinična cijena po primjerku s popustom i PDV-om“, ponuđene su jedinične cijene po primjerku s popustom bez uračunatog PDV-a, pa je Komisija za nabavke, dopisima broj: 03-16-8-1455-9/16,

od 8.11.2016. i broj: 03-16-8-1455-9a/16, od 16.11.2016., zatražila prihvatanje računskih ispravki, ali ponuđač A Dizajn d.o.o. Sarajevo saglasnost na računске ispravke nije dostavio.

- Kod ponuđača Print-line d.o.o. Sarajevo, u Ponudi broj: 216/16, od 29.9.2016., u Aneksu 2. Obrazac za cijenu ponude, u koloni – Ukupna cijena s popustom bez PDV-a pod red.br.6., kao i u ukupnoj cijeni ponude za predmetnu nabavku s uračunatim popustom bez/s PDV uočena je računska pogreška, pa je Komisija za nabavke dopisima, broj: 03-16-8-1455-8/16, od 8.11.2016. i broj: 03-16-8-1455-8a/16, od 16.11.2016. zatražila saglasnost na ispravke, koju je ponuđač Print-line d.o.o. Sarajevo dostavio dana 17.11.2016.

Na kraju Zapisnika o pregledu i ocjeni ponuda konstatovano je da ponude ponuđača Primaprom d.o.o. Banja Luka, A Dizajn d.o.o. Sarajevo, Samas d.o.o. Sarajevo, Blicdruk d.o.o. Sarajevo i Štamparija Fojnica d.d. Fojnica nisu prihvatljive za ugovorni organ iz sljedećih razloga:

- Ponude Primaprom d.o.o. Banja Luka i Samas d.o.o. Sarajevo nisu prihvatljive zbog sljedećeg:
 - originalna Izjava o ukupnom prometu ponuđača nije ovjerena pred nadležnim organom kako to predviđa član 47. stav (1) tačka d) i stav (4) Zakona o javnim nabavkama i tačka 3.3. Tenderske dokumentacije, broj: 03-16-8-1455-3/16, od 16.9.2016., čime nije ispunjen zahtijevani uslov/dokaz iz ekonomsko finansijske sposobnosti ponuđača.
 - mašine i uređaji navedeni u dostavljenim pojašnjenjima u vezi s Izjavom o ispunjenosti uslova iz člana 50. tačka e) Zakona, ne zadovoljavaju uslov tehničke opremljenosti i osposobljenosti ponuđača za pružanje usluga sigurnosnog štampanja zahtijevanog u tački 3.4. Tenderske dokumentacije, broj: 03-16-8-1455-3/16, od 16.9.2016.
- Ponuda Blicdruk d.o.o. Sarajevo nije prihvatljiva, jer im originalna Izjava o ukupnom prometu nije ovjerena pred nadležnim organom kako to predviđa član 47. stav (1) tačka d) i stav (4) Zakona o javnim nabavkama i tačka 3.3. Tenderske dokumentacije, broj: 03-16-8-1455-3/16, od 16.9.2016., čime nije ispunjen zahtijevani uslov/dokaz iz ekonomsko finansijske sposobnosti ponuđača.
- Ponuda A Dizajn d.o.o. Sarajevo odbacuje se u skladu s članom 68. stav (4) tač. f) i g) Zakona, jer nije dostavljena saglasnost za računsku ispravku kao ni zatraženo pojašnjenje ponude (Izjave iz člana 50. tačka e) Zakona). Pored navedenog ova ponuda je istovremeno i neprihvatljiva iz sljedećih razloga:
 - nije dostavljena potvrda Centralne banke BiH o otvorenim računima, a dostavljena potvrda komercijalne banke nije dovoljna za ispunjenje zadatog ulova.
 - originalna Izjava o ukupnom prometu nije ovjerena pred nadležnim organom kako to predviđa član 47. stav (1) tačka d) i stav (4) Zakona o javnim nabavkama i tačka 3.3. Tenderske dokumentacije, broj: 03-16-8-1455-3/16, od 16.9.2016., čime nisu ispunjeni zahtijevani uslovi/dokazi iz ekonomsko finansijske sposobnosti ponuđača za ovu nabavku.
- Ponuda Štamparije Fojnica d.d. Fojnica se odbacuje u skladu s članom 68. stav (4) tač. f) Zakona, jer nije dostavljeno zatraženo pojašnjenje ponude (Izjave iz člana 50. tačka e) Zakona). Pored navedenog ova ponuda je istovremeno i neprihvatljiva, jer originalna Izjava o ukupnom prometu ponuđača nije ovjerena pred nadležnim organom kako to predviđa član 47. stav (1) tačka d) i stav (4) Zakona o javnim nabavkama i tačka 3.3. Tenderske dokumentacije, broj: 03-16-8-1455-3/16, od 16.9.2016., čime nije ispunjen zahtijevani uslov/dokaz iz ekonomsko finansijske sposobnosti ponuđača za ovu nabavku.

Zapisnikom je konstatovano da ponuda ponuđača Print line d.o.o. Sarajevo ispunjava sve formalno pravne, ekonomsko finansijske i tehničke/profesionalne uslove, odnosno zahtjeve ugovornog organa, ali obzirom da ukupna cijena ponude premašuje procijenjenu vrijednost nabavke Komisija za nabavke je dopisom broj: 03-16-8-1455-10/16, od 24.11.2016. zatražila od Sektora za finansije mišljenje u vezi s obezbjeđenjem dodatnih novčanih sredstava za realizaciju ove nabavke, a nakon dobijanja pozitivnog mišljenja od 30.11.2016., utvrdila je prihvatljivost ponude za ugovorni organ.

Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“, pa time ni primjenu preferencijalnog faktora, jer je samo jedna ponuda prihvatljiva za ugovorni organ i to:

Ponuđač	Ukupna cijena ponude za predmetnu nabavku sa uračunatim popustom i PDV-om	Rang
Print line d.o.o. Sarajevo	42.176,74 KM + usaglašeno utvrđena računska ispravka = 41.222,03 KM	1 (prvi)

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1455-11/16, od 14.12.2016. u prilogu), da u postupku nabavke usluga štampanja materijala za potrebe Parlamentarne skupštine BiH, donese Odluku o izboru najpovoljnijeg ponuđača za Print line d.o.o. Sarajevo, čija ukupna cijena ponude za predmetnu nabavku za period Okvirnog sporazuma od 24 mjeseca sa saglasno utvrđenom računskom ispravkom od 17.11.2016. iznosi 35.232,50 KM bez PDV-a odnosno 41.222,03 KM (slovima: četrdesetjednihiljadadvijestotinedvadesetdije i 03/100 konvertibilnih maraka) sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da ponuđača Print line d.o.o. Sarajevo izabere za realizaciju Javne nabavke usluga štampanja materijala za potrebe Parlamentarne skupštine Bosne i Hercegovine putem Okvirnog sporazuma za period od 24 mjeseca, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- PRIMAPROM d.o.o. Banja Luka, Vidovdanska bb, 78 000 Banja Luka
- A DIZAJN d.o.o. Sarajevo, Put Famosa 38, 71 000 Sarajevo
- ŠTAMPARIJA FOJNICA d.d. Fojnica, Prokoški put bb, 71 270 Fojnica
- PRINT LINE d.o.o. Sarajevo, Rogina 15, 71 000 Sarajevo
- SAMAS d.o.o. Sarajevo, Hadžidamjanova 1a, 71 000 Sarajevo
- BLICDRUK d.o.o. Sarajevo, Čemaluša 8, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____